



[Video] Homenaje al preso político vasco Kepa del Hoyo en Galdakao

AHOTSA.INFO :: 03/08/2017

Las ikurriñas y las banderas de los presos han llenado este mediodía el tanatorio de Galdakao para despedir a Kepa del Hoyo

Kepa Del Hoyo euskal presoari azken agurra emateko jendetza bildu da Galdakaoko hilerrian

Oso hunkigarria izan da Galdakaoko hilerrian Kepa Del Hoyo euskal preso agurtzeko egindako ekitaldia. Bertan izan dira Ezker Abertzalea eta EH Bilduko ordezkariak Del Hoyoren familia eta lagunak babesteko. Sakabanaketa politikak Del Hoyoren heriotzaren arduraduna dela azpimarratu nahi izan dute, eta presoak etxeratze indarrak batzeko deia egin dute.

Ikurrinaz eta euskal presoak etxeratzearen aldeko banderaz bete da eguerdian Galdakaoko beilatokia (Bizkaia). 13:00etarako zuten ordua jarria, baina askoz lehenago hasi da jendea iristen. Kepa del Hoyo euskal preso agurtu eta haren senideei doluminak ematera joan direnen artean izan dira, besteak beste, EH Bilduko koordinatzaile Arnaldo Otegi, Julen Arzuaga diputatua eta Jone Goirizelaia abokatua. Ez dira, ordea, bakarrik izan. Haietaz gain, Ernai eta LAB sindikatuko ordezkariak eta preso ohi ugari ere bildu dira bertara.

Del Hoyoren hilkutxa bertan zela egin dute agur ekitaldia. Txalapartarekin hotsak entzun dira hasieran, eta presoaren gertukoek hartu dute ondoren hitza. Tartean, Arkaitz Rodriguezek, Sortuko bozeramaileak. Hark salatu du Espainiako espetxe politiken ondorioz hil dela Del Hoyo. "PPk ez du oztopatuko herri honen askatasun eta bakerako bidea. Kepa azkena izan dadin guztiek, preso eta iheslariak, etxean izan behar dute".

Joan den astelehenean hil zen Del Hoyo, bihotzekoak jota. Badajozko kartzelan zegoen; hogeitortetik gora zeramatzan han preso, ETAko kide izateaz eta polizia bat hiltzeaz akusatuta. Etxerat elkarteak salatu du urrun dauden espetxeetan kondena luzea betetzeak eragiten dituen kalteak pairatu zituela galdakaoztarrak. Iñigo Urkullu lehendakariak urtero Loiolako santutegira egin ohi duen bisita baliatu zuen elkarteak atzo espetxe politikak aldatzeko urratsak egiten hasteko eskatzeko. "Bada garaia presoan aferari behin betiko erantzuna emateko".

Iturria: Berria.eus/Ahotsa.info

<https://eh.lahaine.org/video-homenaje-al-presopolitico>